



左氏百川學海

第二十七冊



歷代帝王名臣法帖

第一

漢章帝書

晉武帝書

西晉宣帝書

東晉元帝書

東晉明帝書

東晉康帝書

東晉哀帝書

東晉簡文帝書

東晉孝文王書

東晉武帝書

宋明帝書

齊高帝書

梁武帝書

梁高帝書

梁簡文帝書

唐太宗書

唐高宗書

陳長沙王陳叔懷書

陳永陽王陳伯智書



第二

漢張芝書

後漢崔子玉書

魏鍾繇書

吳青州刺史皇象書

晉丞相張華書

晉丞相桓溫書

晉丞相王導書

晉丞相王敦書

晉中書令王洽書

晉司徒王珉書

晉司徒王珣書

晉侍中王廙書

晉太宰高平郗鑒書

晉侍中郗愔書

晉中書郎郗超書

晉尚書令衛瓘書

晉黃門郎衛恒書

晉太傅陳郡謝安書

晉散騎常侍謝万書

第三

晉太尉庾亮書

晉車騎將軍庾翼書

晉太守沈嘉書

晉侍中杜預書

晉王循書

晉劉超書

晉散騎常侍謝璠伯書晉黃門郎王徽之書

晉謝莊書

晉侍中司馬攸書

晉劉瓌之書

晉王坦之書

晉王渙之書

晉王操之書

晉王凝之書

晉征西司馬索靖書

晉侍中劉穆之書

晉尚書王劭書

晉車騎將軍紀瞻書

晉司徒王欽書

晉太守張翼書

晉陸雲書

晉海陵恭侯王邃書

晉中書令王恬書

晉太守山濤書

晉侍中卜壺書

晉謝發書

宋特進王曇首書

宋中散大夫羊欣書

宋太常卿孔琳書

齊侍中王僧虔書

第四

梁尚書王筠書

梁特進沈約書

梁交州刺史阮研書

梁征南將軍蕭確書

梁蕭思話書

梁蕭子雲書

陳朝陳達書

唐中書令褚遂良書

唐祕書少監虞世南書

唐率更令歐陽詢書

唐諫議大夫柳公權書

唐李邕書

唐諫議大夫褚庭誨書

唐尚書郎薛稷書

唐汝州刺史徐嶠之書
唐東宮長史陸柬之書
唐薄紹之書

第五

蒼頡篆書

夏禹篆書

魯司寇仲尼篆書

史籀篆書

秦丞相李斯書

秦程邈書

宋儋書

衛夫人書

古法帖

隋朝法帖

隋僧智果書

何氏書

蔡琰書

古法帖

僧懷素書

張旭書

古法帖

第六

晉王羲之書

第七

晉王羲之書

第八

晉王羲之書

第九

晉王獻之書

第十

晉王獻之書

法帖釋文第一

漢章帝

辰宿列張盈昊海鹹河淡鱗羽翔龍師火帝鳥官人
皇始制文字乃服衣遐邇壹體罔談彼短無恃已長
尺璧非尚寸陰是競孝當竭力忠興溫若思慎終宜
令學優登仕攝職從政都邑二京背芒面洛浮渭既
集墳典亦

晉武帝

省啓知既下須防具具揚州寒到有者比尚擬之動
靜更啓也數遣信還

西晉宣帝

之白阿史病轉差未皆外曹尚書云得書法



東晉元帝

安軍未報平和之如何深可爲事也

八月九日暮頓首忽中秋但有遠懷便微冷恒何如
比殊不能佳惟勿得慰抱念及不多司馬眷頓首

東晉明帝康帝哀帝簡文帝文孝王武帝書

皆楷法故不復釋

宋明帝

鄭脩容有兄喪今成服汝可令汝內人知之再報休
祐休範二家內人知也或報

齊高帝

吾今至破堦在路粗可尋還遲見卿不遠願信知卿
深意也

梁武帝

數朝脚氣轉動不得多有憂懸情也二謝處委曲復當有情故舊數有書問不可復有興也知何時再言話報之

梁高帝簡文帝

唐太宗

肖氣 參具 忌欲怕死 欲似死 遽操翰墨

故斯表意 為善之暇想足怡神 不知信復

今為北邊動靜 遣無 久嬰沈疾虛弊何言

昨日臨朝略無勞憊 不佳旦來何似 軒丘御宸

六相宣其景化媯水乘時五臣濟其鴻業

數日來氣發今日服一飲子不得相見

高宗

太子無事欲僻洛城西門仗聽更不須覆

陳長沙王叔懷

云須傲吾既不司此行極是園中梅始發既無工力
治未花之與散今付此不多叔懷答自足何用此花

永陽王陳伯智

熱甚汝習讀為勞吾疾劣遣不具伯智疏寒嚴比氣
力何似僕疾劣甚情想遇今信旨此不多陳伯智疏

法帖釋文第一

法帖釋文第二

漢張芝

知汝殊愁且得還爲佳也冠軍整暢釋當不得極蹤
可恨吾病來不辨行動潛不可耳終年纏此當治何
理耶且方有諸分張不知比去復得一會不講竟不
竟可恨汝還當思更就理一昨遊悉誰同故數往虎
丘不此甚蕭索祖希時面因行藥欲數處看過還復
共集散耳不見奴粗悉書云見左軍彌數論聽故也
今欲歸復何適報之遣不知總散
侍郎耶言別
事有及過謝憂勤

二月八日復得鄱陽等多時不耳爲慰如何平安等
人當與行不足不過彼與消息

八月九日芝白府君足下不日秋涼平善廣深彌邁
想思無違前比得書不逐西行望遠懸想何日不勤
捐業漂沒不當行李又去春送舉喪到美陽須待伴
比故遂簡絕有緣復相聞餐食自愛張芝幸甚幸甚

崔子玉

賢女委頓積日治此為憂懸惟心今已極佳足下勿
復憂念有信來數附書知聞以解其憂

魏鍾繇

吳皇象

文武將墜乃俾俊臣整我皇綱董此不虔古君子即
戎從身昭其果毅尚其栢栢師尚七十氣冠三軍詩
人作歌如鷹如鷗天有泰一五將三門地

臣象言頭閻容薄加以年老凡百乖穢無所聞宜特
蒙哀傷殊異之遇安感騎乘之權遊息之燕淳和足
使忘軀命榮觀足以光心膂延望翹翹念在効報而
走垂須終何才力以答新恩唯尚有借近趙走文
過首貧尚尋天恩智方當私成無任顏愛自彌文唯
得書爲慰僕諸瘡疾已甚慙西卧歸還乃悉比將念
反不具張華呈

晉張華

栢温

大事之日僕在都謂無所復見慰勞又計時事也逐
節郎來已具言意餘所慰勞諸相具答邊將粗當尔
耳僕無所使治度意

王導

省示具卿辛酸之至吾甚憂勞卿此事亦不慙忘然
書足下所欲致身處尚在彀中王制正自欲不得許
卿當如何導亦天明往

導白改朔情增傷感濕烝自何如頗小覺損不帖有
應下懸耿連哀勞滿悶不具王導

王敦

敦頓首頓首蜡節忽過歲暮感悼傷悲今邑想自如
常比苦腰痛憤憤得示知意反不以悉王敦頓首頓
首

王洽

洽白辱告承問洽故爾劣劣冀以復叙還日不具王

洽再拜

洽白向感塞不成叙得告承問殊乏劣白不具王洽
再拜

王珉

十八日珉白以二書慙至未更近問懸情不適似可
不吾羸疾故爾憂深力書不具王珉敬問 得書
至之吾亦

今欲出耳吾此月急遣廿四是王濟祖日欲必赴卿
可剋過明吾當下解相待餐出亦遣報既至王家畢
卿可豫檄光公令作一頓美食可投其飮也王珉相
報

王珣

三月四日珣頓首末冬衆感得七月書知問即日何
如秋弊憂之劣不具王珣頓首白

王廙

廿四日廙白唯久白想適妙來行未面遲想得示知
同云冀何生相見近及不多王廙白

七月十三日告藉之等近日遣王秋書不言月行復
半念汝思不可堪居柰何柰何雨涼不差

媵何如汝所患遂差未懸心不可言阿母蒙恩上下
悉佳宜可行瘡如復斷要取未斷愁人宜復具日
發與別岡岡不可言今遣使未北反書不足白復會
日消息廙疏

鄰鑒

郝愔

九月七日愔報比得章知弟漸佳至慶想今漸勝食
進不新差難將適猶懸憂遣不具愔報

廿四日愔報比書想悉達日諒弟佳不及數字愔報
遠近何 王右軍竟去不付石首干一節

想親親悉如常敬豫何當來耶道祖故未善差怕在
尚書不見來多日

郝超

衛瓘

頓州民衛瓘惶恐死罪中闕音敬望想想懷在外累
年始尔得還情甚踊躍旦望卅里上領節度明日乃
入奉說欣承福祚得白不具瓘惶恐死罪

衛恒

一日有恨知問未面為歎欲七日去耶恒白

謝安

柰何柰何臨書悽悶

謝万

汝等各可可知近聞邑邑吾涉道動下赤乏劣力及
不具具告父疏

法帖釋文第二

法帖釋文第三

晉庾亮

媿音氏又音啼弟江淮呼母也

庾翼

翦飛也音榻 吾哀勞何賴愛護時不足下頃氣力孰若別時

沈嘉

嘉頓首頓首歲有感懷深寒切想各平安僕勞弊遣不具沈嘉頓首頓首

杜預

十一月十四日預頓首歲忽已終別久益兼其勞道遠書問又簡間得來說知消息申省次若言面

親故數移轉想祖父白具云也祖父知足下來言小
大云具絕汝親親也有信數附書信以慰吾心也

王循

七月廿四日循頓首秋月感思深得近示為慰餘
熱比復可不僕疾患故尔不平復頓勿力書不盡王
循頓首

劉超

謝璠伯

此計江東精兵不可卒得唯當善養見者而事慮日
多如比來憂懷實已萬端

王徽之

得信承媿疾不減憂灼寧復可言吾便欲往恐不見

汝等湖水泛漲不可渡遂復隔絕不然尋已徃彼故
遣疏知吾遠懷不具徽之等告

謝莊

弟昨還方承一日忽患悶當時乃尔大惡殊不易追
企但想諸治昨來已漸勝眠食復云何頃日寒重春
節至居患者無不增動今作何治眼風不異耳指遣
承問謝莊白呈左僕射

司馬攸

劉瓌之

瓌之頓首頓首末陽遠感聞知有患耿耿知以自屈
恨不相見力及不比望瓌之

王坦之王渙之王操之王凝之

索靖

載妖孽過感灾留莫告咎臯陶士繩罪報鞠按
據號裁割辜戮羞屈翹謾逆曲歸想輟寂關爭念復
鞞鼓肆陳愛於琴瑟以詠歌其命禽爵翔榮獸
乃歌舞聲翳麗城越動飛走脉土處農媪業掌稷
七月廿六日具書靖白雖數相聞不解勞倦信具得
書云宅及計來東言展有期索靖白

劉穆之

所欲足下家弊耳倉卒無祿故推遷不得不相用事
已御出寧復吾所得迴復足下且當就之公還當思
更律啓申師情事也劉穆之白

王劭

紀瞻

瞻白昨信來
今蓋又貧家無以將意今粉二斗少香所謂物微意全者也力書不多紀瞻頓首

王廞

張翼

廿三日
卿翼頓首節過多懷得近書為慰意以何如深勞弊頓曳力還不具

陸雲

三月十六日雲白春節餘不適得示知足下平安為思面未如何由如何信數之及卿既清邃可之經高言人歎之當今征南取之也

王邃

王恬

得示知足下問吾故不差殊劣劣力不具王恬白

山濤

卞壺

足下佳不朝郎上獲諸誠文墨至便在舍事許改
愛子紙卞物知此草勿令一人見也吾今勅書事令
不發亟付卿發發便密令人傳之壺白

謝發

未欲旨問悲酸悒悒想不久可得還耳執筆惻感

王曇

昨服散差耳然不過佳請和所宜如更增劇恐難為
力耳未能令遣俗有餘念頓耳王曇答和南

羊欣

書欲何言

孔琳

日月深酷撫膺崩叫心肝分膾尋繹懊懷觸感隕絕
孤思悒悒自郡地最當柰何不孝柰何念痛悼難勝
得去月二示知君所患故爾不差甚有幽悒熱盛比
復何似想已轉佳眠食極勝也善將治之孤子並疾
患歎具悒悒脚中轉劇近明散未覺益憊頓何賴扶
力迷甚不次孤子孔琳柰何頓首

王僧虔

法帖釋文第三

法帖釋文第四

王筠

沈約

今年約垂

始得此

沈約白十一月十六日

阮研

道增至得書深慰已熱卿何如吾甚勿勿始過嶠今
便下水未因見卿爲歎善自愛異日當至上京有因
道增行所具少字不具阮研頓首

蕭確

故以孝事君則忠以敬事長則順忠順不失以事其上
然後能保其祿位而守其祭祀蓋士之孝也詩云
夙興夜寐無忝尔所生

蕭思話

一月二日思話白節近說寒切足下復何如比何一
涉道久當諸惡耶少首望近吾所患猶尔思話白

蕭子雲

陳逵

十二月廿五日逵白歲終感慘寒切足下何如遣不
悉陳逵

伯禮啓明願問訊足前許借
■ 纛今遣請受願付
佳仰干悚息謹啓

褚遂良

諸何足言 更得汝狀 汝悉也

虞世南

率一兩日 訪問願為奉答

賢兄處見臨樂毅論便是青過於藍欣抃無已數願
學耳世南近臂痛發書不堪翫縷也虞世南呈十三
日遺書謹空得書為慰可言也

潘六云司未得近問莫耶數小奴等計不日當有狀
來

歐陽詢

吳君何當至 定須寄信意 未能平復

極欲知君等

柳公權

未即展豁尚增 後使送往耶

李邕

褚庭誨

薛稷

徐嶠之

陸柬之

近得告爲慰上下無恙恙不得吳興近問懸心得藥書散勢耿耿嘗也

薄紹之

知弟定欲江參軍薄紹之白

法帖釋文第四

法帖釋文第五

蒼頡

夏禹

仲尼

史籀

李斯

程邈

宋儋

衛夫人

古法帖

兄子皆佳能數為也

隋朝帖

智果

奕奕皆有一種風氣 奕奕如有神力 豈須文譜
范懷約真書有分草書無功故知簡牘非易 志其
名 李斯見重一時耶

何氏

吞聲飲氣不勞頓爾他便生異議速自詳答取竟勿
滯留也

去留深情故當所尔餘散輩停歲積故切思歸三月
下旬還非賒冀叙不遥 路行乃寂絕傷心

蔡琰

我生之初尚無爲我生之後漢祀衰

古法帖

孤不度德量力欲義於天下而措術淺短遂至昌
蹶然至于今日志猶不息君謂計將安出

亮白董卓已來豪傑並起跨州連郡不可勝數曹操
比於袁紹則名微而衆寡故能剋紹以弱爲強今日
擁百萬之衆協挾天子而令諸侯誠能不可與爭鋒也
右帖四前二具載王獻之帖中此不復釋後

二帖亦與獻之筆法同

懷素

右軍云吾眞書過鍾而草故不減張僕以爲眞不如
鍾草不及張所爲世之所重以其能懷素書之不足
以爲道其言當不虛也

張旭

足下晚後不知疾痛如何深極憂難比也上下安之
必得發耶

得足下十五日問爲慰僕前患差張旭書


古法帖

既移屋近西墻微援裏地成大寬援裏起小三架如
步廊政可一丈梁得使二家通出入作門閣也此屋
之東故應作墻直步廊一壁太單空園中彌宜移三
間屋故當不甚難重複粗盡圖如別耳

足下既有意適閑曠亦當惡暑耶遊矚踈數慰對告
今少吾今年病垂耳始小差大小會使疾惛忽移日
耳每每深望遠言慰尚賒慨然玄過之音介忽忽
書復既與直人理略絕何緣復有周旋理長史斷闊

亦不減卿唯公事時相瞻望耳吾面信遂至今不著
不可解計至故應必有香但不知好惡云何耳須得

法帖釋文第五



法帖釋文第六

王羲之

適得書知足下問吾欲中治甚憤向宅上靜佳眠
都不知足下來一甚無意恨不斲面王羲之

知欲東先期共至謝欲處云何欲行想忘耳過此如
命差涼君可不今日寔願不遲面力知問王羲之

比奉對對兄以釋豈一汝不可言未知集聚日但有
慨歎各慎護前與媿試求屏風遂不得答為也

奄至此禍情願不遂緬然永絕痛之深至情不能已
況汝豈可勝任柰何柰何無由叙哀悲酸

日月如馳媿棄背再周去月穆大祥奉瞻廓然永
惟悲摧情如切割汝亦增慕省䟽酸感

兄靈柩垂至永惟崩慕痛貫心膺痛當柰何計

慈顏幽翳垂卅年而吾忽忽不知堪臨始終不發言
哽絕當復柰何吾頃至忽忽比如下

省別具足下小大問為慰多分張念足下懸情武昌
諸子亦多遠宦足下兼懷並數問不老婦頃疾篤救
命恒憂慮餘粗平安知足下情至

旦夕都邑動靜清和想足下使還

時州將柏公

告慰情企足下數使命也謝無奕外任數書問無他
仁祖日往言尋悲酸如何可言

伏想嫂安和自下悉佳松上下至乖隔十八年復得
一集且悲且慰何指喻嫂疾至篤憂懷甚深穆松難
為情地自慰猶小差然故忽忽冀得涼漸和耳

諸從並數有問粗平安唯脩載在遠音問不數懸情
司州疾篤不果西公私可恨足下所云皆盡事勢吾
無間然諸問想足下別具不復一一

此諸賢粗可時見省甚為簡
遠須異多小患而吾

疾篤不得數為歎耳

宰相安和殷生無恙時面兄當宣兄懷
噉豆鼠傷

如佳今送能噉不

得足下旃剽胡桃藥二種知足下至戎鹽乃要也是
服食所須知足下謂須服食方回近之未許吾此志
知我者希此有成言無緣見卿以當一咲

秋中感懷異雨冷足下各可耳胛風遂欲成患甚憂
之力知問王羲之頓首

又不能不痛熙孝 政尔復何於求之度政當求之
內事餘理不絕求之一條當有莫不信罔然前途願
乙乙誨之以悟其心疾不退潛損亦當日深豈可以
常理待之此豈常憂不審食復何如云肌色可可所
堪轉勝復以此慰馳竦耳

吾有七兒一女皆同生婚娶以畢唯一小者尚未婚
耳過此一婚便得至彼今內外孫有十六人足慰目
前足下情至委曲故具示

省足下別䟽具彼土山川諸竒揚雄蜀都左太冲三
都殊為不備悉彼故為多竒益令其遊目意足也可
得果當告卿求進少人足耳至時示意遲此期真以
日為歲想足下鎮彼土未有動理耳要欲及卿在彼

登汶領峨眉而旋實不朽之盛事但言此心以馳於
彼矣

云譙周有孫高尚不出今爲所在其人有以副此志
不令人依依足下具示

嚴君平司馬相如揚子雲皆有後不

夫人遂善平康也足下各可不冀行復面王羲之頓
首

想小大悉佳蔡家賓至君情感益深唯當撥遣之耳
知足下散勢小差此慰無以爲喻云氣力故尔復以
胡怛想散患得差餘當以漸消息耳

吾頃無一日佳衰老之弊日至夏不得有所噉而猶
有勞務甚劣

昨得熙廿六日書云患氣懸情

知足下連不快何尔耿耿善將適吾積羸困而下積日不斷情慮尚深殊乏自力不能悉

小佳更致問一一適脩載書平安

羲之白奉告慰反側伏想比安和伯熊過見之悲酸大都可耳惟垂心羲之平平一日白比具羲之白送此鯉魚征與敬耶不在不乃邑邑不

月半哀悼兼至柰何柰何得告承復下懸耿至勿勿願不具王羲之再拜

今遣鄉里人往口言也行成旅以從是月也景風司至星火殷宵伯趙鳴而載陰爽鳩習而揚武時可以升高遠望禮可以出宿餞行有詔具僚爰開祖

廿二日羲之報近得書即日又得永興書甚慰想在道可耳吾疾故尔沉滯憂悴解日面近不具羲之報四月二十三日羲之頓首昨書不悉君可不腫劇憂之力遣不具

羲之頓首闊別稍久眷與時長寒嚴足下何如想清豫耳披懷之暇復何致樂諸賢從就理當不踈吾之朽疾日就羸頓加復風勞諸無意賴促膝未近東望慨然所冀日月易得還期非遠耳深敬宜音問在數遇信忽遽萬不一陳

旦極寒得示承夫人復小效不善得眠助反側小尔復進何藥念足下猶悚息卿可不吾昨暮復大吐小噉物便尔旦來可耳知足下念王羲之頓首

卿與虞休意書有所問足下旨為致誠答令旨意致
來勿忘此意自決今以資嚴知小大疾患念勞心
四月五日羲之報建安靈柩至慈蔭幽絕垂卅年永
惟慕痛徹五內永酷柰何無由言昔臨紙摧哽羲之
報

吾昨得一日一起腹中極調適無所為憂但領情不
可言耳

侍中書書徐侯遂危篤恐無復冀深令人反側
敬豫乃成委頓令人深憂

適 十五日問清和為慰復得南後問不想二使速
王之始興奴長就令人邑邑想無所至耳還具示問
追尋傷悼但有痛心當柰何柰何得告慰之吾昨頻

哀感便欲不自勝舉旦復服散行之益頓乏推理皆
如足下所誨然吾老矣餘願未盡惟在子輩耳一旦
哭之垂盡之年將無復理此當何益冀小却漸消散
耳省卿書但有毀塞足下念顧言散所豁多也王羲
之頓首

不得臨川問懸心不可言子嵩之子來數有使冀因
得問問示之

得表二謝書具為慰表生暨至都已還未此生至到
之懷吾所也

想小大皆佳知賓猶爾耿耿想得夏節佳也念君勞
心賢姊大都轉差故有時嘔食不已至足言年衰
疾久亦非可倉卒大都轉差為慰以大近不復服散

常將陟厘也此藥為益如君告

適太常司州鎮軍諸人共五六書皆佳司州以為平
復此慶慶可言餘親親皆佳大奴以還吳也冀或見
之

司州供給寥落去無期也不果者公私之望無理或
復是福得大等書慰心今因書也野數言䟽平安定
太宰中郎

近因得里人書想至知故面腫耿耿今差不吾比日
食意如差而髀中故不差以此為至患至不可勞力
數字令弟知問耳

疾患差也念憂勞王羲之頓首

想弟必有過理得暫寫懷若此不果復期欲難冀臨

書多歎吾不復堪事比成此書便大頓

廿日羲之頓首節日感歎深念君增傷灾兩君可也
僕可耳力數字王羲之頓首

定聽他母子哀此遂不還可令未也

適重熙書如此果尔乃甚可憂張平不立勢向河南
者不知諸侯何以當之熙表故未出不說說荀侯疾
患想當轉佳耳若熙自勉此一役當可言淺見實不
見今時兵任可處理

二謝在此近終日不同之此歎恨不得方回知幸知
幸後問令人怛怛

法帖釋文第七

七月一日羲之白忽然秋月但有感歎信反得去月
七日書知足下故羸疾問觸暑遠涉憂卿不可言吾
故羸乏力不具王羲之白

得都下九日書見栢公當陽去月九日書久當至洛
但遲遲可憂耳蔡公遂委篤又加瘳下日數十行深
可憂慮得仁祖廿六日問疾更委篤深可憂當今人
物眇然而艱疾若此令人短氣

謝光祿亦垂命可憂念二朝奄忽傷人懷今年彫落
可哀歎

祖暑感懷深得書知足下故頓乏食差不耿耿吾故
尔耳未果爲結力不具王羲之

月半念足下窮思深至不可居忍雨濕體氣各何如
參軍得針灸力不甚懸情當深寬割晴通省苦遣不
具王羲之白

長素差不懸耿小大佳也得敬豫九日問故進退
之深知念許君與足下意政同但今非致言地甚勅
勅亦不知范生以居職未以卿示輒便及之吾尚不
能惜小節目但一開無解已又亦終無能爲益適足
爲煩瀆足下呼尔不

每念長風不可居忍昨得其書既毀頓又復壯温深
可憂謝生多在山不復見且得書疾惡冷耿々想數
知問雖得還不能數可歎

初月二日羲之頓首忽然今年感兼傷痛切心柰何

柰何念君哀窮不已義之皇恐

足下時事少可數來至人相尋下官吏不東西未委若爲言叙乖足下不返重遣信往問願知心素

吾恠足下參朝少晚不審有何事情致使如然也王義之再拜

前從洛至此未及就被參承願夫子勿悒悒矣當日緣明府共飲遂闕問願足下莫見責義之頓首

十一月廿七日義之報得十四十八日二書知問爲慰寒切比各佳不念憂勞久懸情吾食至少劣劣力因謝司馬書不具義之報

十月七日義之報前過足下所得其書想殊有勞弊然叔兄子孫有數人足慰目前情至取答委曲故具

示可令必達以副此志且山川甚有形勢遠想慨然
又出藥精要有驗信次可致當大惠也從弟分別吾
深憂慮卿女輒軻想何可處差充喜言不多耳羲之
呈象草章旨信送之勿三當付良信

遠婦疾猶尔其餘可耳今取書付想具

阮生何如此粗平安數絕問為慰

羲之白君晚可不想比果力不具王羲之

得遠嘉興書計今日必度喜遲可言足下至慰今有
書想足下有旨信別告具之

云足下尚停數日半百餘里瞻望不得一見卿此何
可言足下疾苦晴便大熱恒中至不易可得過夏
不甚憂卿還具示問

得告承長平未佳善得適適君如常也知有患者耿
念勞心食少勞甚頓還白不具王義之再拜

足下小大佳也諸疾苦憂勞非一如何復得都下近
問不吾得敬和廿三日書無他重熙住定為善謝二
侯省飛白乃致佳造次尋之乃欲窮本無論小進也
稱此將青於藍

知比得丹楊書甚慰乖離之歎當復可言尋答其書
足下反事復行便為索然良不可言此亦分耳遲面
具具

太常故患胛灸俞體中可耳僕射事已行以表讓
未知恕不未復司州旨告懸竦鄱陽歲使應有書而
未得

向亦得萬書委曲備悉使人慨然見足下乃悉知叔
虎剋昨發月半略必至未見勞參軍

熱日更甚得書知足下不堪之同此無賴早且乘涼
行欲往遲散也王羲之

知賢室委頓何以使爾甚助耿耿念勞心知得廿四
問亦得叔虎廿二日書云新年乃得發安石昨必欲
剋潘家欲剋廿五日也足下以語張令未前所經由
足下近如似欲見今送

七月六日羲之白多日不知問邑々得二日書知足
下昨問耿耿今已佳也

期已至遲還具足下問耳當力東論道家無緣省苦
但有悲慨不得東此月問

信云舍子別送乃是北方物也何以欲此欲幾許
致此四紙飛白以為何似能學不

月未必往遲見君無以為喻

鄉里人擇藥有發簡而得此藥者足下豈識之不乃
云服之令人仙不知誰能試者形色故小異莫與嘗
見者謝二侯

昨見君歡後無喻然未善悉想宿昔可耳脅中云何
一善消息值周轉勝也耿耿疾患小差與弘遠俱詣
遲共寫懷王羲之

承足下還來已久欲參慰為染患不能得往問眷

仰情深豈此委具一兩日少可尋冀言展若因行李
願存故舊今遇賢弟還得數張紙勞動幸不恠耳謹

此代申不具釋智永

此帖世多論為差誤蓋

太宗皇帝取其書類右軍遂參列其間所以貴之耳

太宗於草聖最為深妙何乃特不曉此釋智永字耶

雪候既不已寒甚盛冬平可苦患足下亦當不堪之轉復知問王羲之

知遠比當造次遲見此子真以日為歲足下得審問旨令吾

荀侯佳不未果就卿深企懷耳安好音信那可遇得歸洛也計令解有懸休尋

知君當有分住者念處窮毒而復分乖尚可居情想
反理斷當

旦反想至所苦差不耿仆脚中不堪沈陰重痛不
可言不知何以治之憂深力不具王羲之頓首

深以自慰理有大斷其思豁之令盡足下勿乃憂之
足下殊當憂吾故具示問

晚復毒熱想足下所苦並以佳猶耿耿吾至頓劣異
涼意散力知問王羲之頓首

足下家極知無可將接為雨遂乃不復更諸弟兄問
疾深護之不具王羲之白耳

僕近脩小園子殊佳致果雜藥深可致懷也僕因行
往希見比二處動靜故之常患馳情散騎癱轉利慶

慰姊故諸惡反側永嘉至奉集欣喜無喻餘可耳得
華直疏故尔諸惡不差懸憂順何似未復慶等近消
息懸心君並何為耶此猶未得盡集理行大剋遲此
無喻龍保等平安也謝之甚遲見之

離不可居叔當西耶遲知問

知彼清晏歲豐又所使有無鄉故是名處且山川形
勢乃尔何可以不遊目

朱處仁今何在往得其書信遂不取答今因足下答
其書可令必達

愛為退臨書但有惆悵知足下行至吳念違

彼鹽井火井皆有不足下目見不為欲廣梁異聞具
示足下今年政七十耶知體氣常佳此大慶也想復

勤加頤養吾年垂耳順推之人理得尔以爲厚幸但
恐前路轉欲逼耳以尔要欲一遊目汶領非復常言
足下但當保護以俟此期勿謂虛言得果此緣一段
奇事也

法帖釋文第七

法帖釋文第八

王羲之

羲之死罪小大悉以來未不可懷未復諮誨問懸
情計賓命行應至遲下公遠具承問妹極得散力以爲
至慰期等故尔耳因緣不多白羲之死罪

不審定何日當北遇信文白遲承後問

伏想清和士人皆佳適栢公十月末書爲慰云所在
荒甚可憂殷生數問比事勢復云何想安西以至能
數面不或云頓歷陽尔耶無緣同爲歎遲知問運民
不可得而要當得甚慮叛散

頓爲此足勞人意八日羲之頓首多日不知君問得
一昨書知君安善爲慰僕似小差而疲劇昨若耶觀

望乃苦輿上隱痛前後未有此也然一日一昔勞復不極以此爲慰耳力不

鄉里人樂著縣戶今送其名可爲領受君頃就轉佳不僕自秋便不佳今故不善差頃還少噉脯又時噉麪亦不以爲佳亦自勞弊散係轉久此亦難以求泰不去人問而欲求分外此或速弊皆如君言

便大熱足下晚可耳甚患此熱力不具王羲之上此書因周常侍想必至

吾唯辨辨便知無復日也諸懷不可言知彼人已遠吾此猶有小人往來不欲來者其野近當往就之耳不大思其方不見可以以理而任之者悠然此可歎息得西問無他想被人甚平安此粗佳玄度來數日爲

慰

中郎女頗有所向不今時婚對自不可復得僕德意君頗冷不大都此亦當在君耶發瘡比日疾患欲無賴未面色々反不具王羲之

得書知問腫不差乏氣忽忽面近羲之報

足下各如常昨還殊頓胸中淡悶干嘔轉亂食不可強疾高難下治乃甚憂之力不具王羲之

得書知足下問吾既不佳賢內妹未差延期

須狼毒市求不可得足下或有者分三兩停須故示得書知問吾夜來腹痛不堪見卿甚恨想行復來脩齡來經日今在上虞月末當去重熙旦便西與別不可不知安所在未審時意云何甚令人耿耿

法帖釋文
一昨得安西六月書無他無所知表亦復常言耳
闊轉久勞想豈舍知足下常得之卒未近緣如何足
下數令知問

十一月四日羲之白冬中感懷深始欲寒足下常疾
何如不得近問邑々吾故苦心痛不得食經日甚爲
虛頓力反不具王羲之白

周益州送此筇竹抄鄉尊長或須今送不得執手

此恨何深足下各自愛數惠告臨書悵然

阮公故爾可憂時放恕人事今令遂言何万守篤大
灸不得力而從事以至甚無計自必出唯須小佳鐵
石今出取救足下可復助旦令得通

家月末必至上虞妹亦俱去

此蒸濕難爲人得示知足下故尔堪行想不成病耳
吾至無賴行剋王羲之頓首

不得西問耿耿

近令送此宅圖云可得卅畝尔者爲佳可與水丘共
行視佳者決便當取問其賈謝生多在山下不復見
且得書疾惡冷耿耿想數知問雖得還不能數可歎
不審比出日集聚不一尔緬然恐東旋未期諸情罔
飛白不能乃佳意乃薦好此書至難或作復與卿
羲之白昨故遣書當不相遇知君還喜慰足下時行
想今善除猶耿耿僕時行以十一日而不保如此日
便成委頓今日猶當小勝不知能轉佳不積不卿至
劣劣力還不具王羲之白

不審復何似永日多少看未九日當採菊不至日欲
共行也但不知當晴不耳倫等還殊慰意增慨知足
下疾患小佳當惠緣想必能果遲此善散非直思想
而已也尋復有問足下以數示由爲諸力不具

月半哀感柰何柰何念邑々凶極之至不可居處比
日何似痺差不悒悒力知

王羲之頓首

知彼乃尔切切汝乃獨坐但有憂邑懸遠不能得遣
人且吾無復久意果去當南視汝等也

一昨得安西六日書無他無所大說故不復付送讓
都共表亦復常言耳如見子書道嵩自必果今復與
書督之足下勅令至并與遠書也奉黃廿二百不能
佳想故得至耳船信不可得不知前者至不

尊夫人不和想小尔今以佳念累息卿佳不吾故劣
く力知問王羲之敬問

日五期結極以大先師之言皆著推此言之無驗如
此事君當欲知故及宜停宅

先生適書亦小小不能佳大都可耳

三月十六日羲之白一昨省不悉雨快君可不万石
轉差也灸得力不不得後問懸悒不知懷君云當有
旨信遲望其至僕劣く故遣不具還具示王羲之
取卿女知耳爲長史休種知何似耿耿

適欲遣書云得示知足下得涼以爲佳甚慰知多疾
患念勞心吾故不欲食幾以爲事恐不可久邑く思
面行故果之王羲之

此郡之弊不謂頓至於此諸逋滯非復一條獨坐不知何以爲治自非常才所濟吾無故舍逸而就勞歎恨無所復及耳夏人事請託亦所未忽小都冀得小差須日當何理

法帖釋文第八

法帖釋文第九

王獻之

相過終無復日悽切在心未嘗暫掇一日臨坐目想
勝風但有感慟當復如何常謂人之相得古今洞盡
此處殆無恨干懷但痛神理與此而窮耳盡此感深
殆無處常恨況相遇之難而乖其所同省告不覺
灌流既已往矣亦復何言獻之

詣舍復何如吾家多患憂面以問慰情不知可耳承
永嘉比復患下上下下諸疾患乃尔樵馳豈可懷不審
今復何如嫂即平和耳貞壽不成病不驚還慰姊意
今已嘗向發分張諸懷可言殊嘗復憂懸婢腹痛見
差不劉家疾患即差秀已還也

諸女無日事懸心阮新婦何日至慰姊目下

獻之死罪授衣諸感悲情伏惟哀慕兼慟痛毒難居
見徐隽并使君書承比極勝但承此凶問當復大頓
耳比日憂馳無復意不審尊體云何脚及可痛氣得
此哀號何如先大惡時灸創持不堪此不乃爲患眠
食幾許使君今地實難爲識然所以爲識政在此耳
獻之白奉別告承安和慶慰極冷不審尊體復何如
獻之比日如復小勝因夜行忽復下如欲作瘳今服
藥盡温燥理冀當可耳然異極都不得復小失和卿
惡亦不復得妾近生冷體氣頓至此令人絕歎行有

佳酒便服

想彼悉佳汝復見諸女不此近下故尔耳

獻之白承姑比日復小進退其尔不得一極和憂悚
猶深不審以服散未必得力耳比隣相聞故云惡懸
懷使君數得書也

獻之白思戀觸事彌至獻之既欲過餘杭州將若比
還京必視之來月十左右便當發奉兄無復日比告
何喻願復盡珍重理獻之白

獻之白節過歲終衆感纏心伏惟同之奉月初告承
極不平復頭眼半體赤怕惡兄告說姊故殊黃瘦憂
馳可言寒切不審尊體復何如眠食轉進不氣力漸
復先耳遲復旨告獻之故尔獻之

願餘上下安和知婢日夕䟽慰意育故羸懸心倪比
健也適奉永嘉去月十二日動靜故常患不寧諸女

無復消息獻之

再拜夏節近感思深惟窮號崩絕不可忍處晴快不
審體中何似食噉復多少甚馳情不審諸舍復何如
未復西動靜不寧此多患反側願深寬勉故承問
思戀無往不慰省告對之悲塞未知何日復得奉見
何以喻此心唯願盡珍重理遲此信反復知動靜
十二月廿七日具疏操之獻之再拜歲盡無復日感
思兼懷不自勝兄亦同之柰何々々奉十二日告承
掾安和慰馳情姊三兄諸患故尔不損憂馳晴快不
審尊體並復何如遲復來告操之故平々已再服散
冀得力獻之亦惡憤勿謹拜疏不具操之等再拜
衛軍猶未平和而哀勞殊未得盡消息理常以不寧

僕射得散力甚慰表解臺職不知得恕不復冠軍告

懸企

獻之白兄靜息應佳何以復小惡耶伏想比消息理盡轉勝耳礮石深是可疑事兄喜患散輒發癰勢為積乃不易願復更思獻之唯賴消息內外極生冷而心腹中恒無他此一事是差但疾源不除自不得佳論事當隨宜思之也獻之姊性纏綿觸事殊當不可獻之方當長愁耳

獻之白不謂鄱陽一門艱故至此追尋悲惋益不自勝柰何々々政坐視其滅盡使人悲熟賴子高在此不尔無可成獻之

阮新婦勉身得雄甚善散騎殊常喜也

雖奉對積年可以爲盡日之歡常若不盡觸頰之暢
方欲與姊極當年之足以之偕老豈謂乖別至此諸
懷悵塞實深當復何由日夕見姊耶俯仰悲咽實無
已々々唯常絕氣耳

夏日感思兼悼切割心懷痛當柰何々々得思道書
慰意薄熱汝比各可不吾並故諸惡勞益勿々獻之

白疏

獻之白思戀轉不可言瞻近而未得奉見但有歎塞
遲諸信還具動靜獻之白

白東告具天寶疾患問何其倉卒乏子孫常欣倫早
成家以此娛上下豈謂奄失此女愍惜深至惻切心
懷媿哀念當可爲心情願不可保使人惋惋悲政常

隨事豁之耳嫂先積弊復有此痛心不審不乃惡不
甚以憂馳眠食復多少願遣無益盡消息理

吾十一日發吳興違遠兄姊感戀無喻慶等別不可
言比奉告故多患姊經感極頓憂馳益深適諮議十
六日告風疾故尔反側餘可行未東動靜不寧吾宜
速吳與丞別兄進猶戀冈勞亦極惡馳情二女晚生
皆佳未復華姜䟽比來得直䟽故惡故足當視華也
汝兒女並可不

北九日獻之白昨遂不奉恨深體中復何如弟甚頓
勿勿不具獻之再拜

承服腎氣丸故以為佳獻之比服黃耆甚勤平平耳
亦欲至十齋當可知

得書爲慰吾先夜遂大得服湯酒諸治漸相故頓極
難勞知足下便去不得面別快恨深保愛臨書增懷
王獻之

玄度時往來以此爲慰興公使適還數日具都下問
人情所憂良可歎息諸吳數問齡前來經日極爲差
云仁祖欲請爲軍司不知行不

慕容有易賴意耶

薄冷足下沈痼已經歲月豈宜觸此寒耶人生稟氣
各有攸處想示消息

益部耆舊傳令送想催驅寫取了慎不可過淹留吾
去月從孫家求信次頓尔頻爲亂反側錫大佳柳六
惠言錫可常餌亦覺有益耳

前告先以陳事意必是更有家信未知期說見德遠
書所致人耶何可足下今耶

鬱々澗底松離々山上苗以彼徑寸莖蔭此百尺條
世胄躡高位英雋沈下僚

一月廿九日告仲宗奉世諸兒禍變無常黃門隕背
哀痛摧剥不自勝任柰何柰何及書感塞父姑告

念外甥欲問郗新婦更篤憂慮深

獻之白思戀轉不可言瞻近而未得奉見但有歎塞
遲諸信還具動承冠軍故尔不覺轉勝灸無所覺憂
馳深汝憔悴可耳

可必不耳企遲此大都如常秀順至慰意順心痛委
頓憔悴諸舍不能集會深哽塞仰料靜婢自常不和

知從事甚簡致此佳也

法帖釋文第九

法帖釋文第十

王獻之

吾當託栢江州助汝吾此不辨得遣人船迎汝當具
東改枋三四吾小可者當自力無御迎汝故可得五
六十人小枋諸謝當有便是見今當語之大理盡此
信還具白脾痛可堪而以作書絕欲不可識

疾不退潛處當日深豈可以常理待之此豈常憂不
審食復何如肌色可可所堪轉勝復以此慰馳竦耳
消息亦不可不恒精以經心向秋冷疾下亦應防也
獻之下斷來恒患頭項痛復小尔耳

省前書故有集聚意當能果不足下小大佳不聞官
前逼遣足下甚急想以相體恕耳足下兄子以至廣

州耶當有得集理不念懸心也耳

近與鐵石共書令致之想久達不得君問以復經月
懸情豈可言頃更寒不適頗有時氣君頃各可耳遲
旨問僕大都小佳然疾根聚在右髀脚重痛不得轉
動左脚又腫疾候極是不佳幸食眠意事爲復可
冀非藏病耳

知鐵石前往快作樂諸君善處世一達於當年不復
過此僕端坐將百日爲尸居解日耳不知那得一散
懷何其相思之深臨書意塞

玄度何來遲深足人憂懸耶常謂有理因祠監多感
足下事甚善然所造極難想足下每思先後公豈須
言親之不已意耳安石停此過半日猶得一宿何物

喻之一十當浦送近道所以致歎陽諸懷兒不可言
且不復得卿送有諸歎今此貪上道忽動小行多書
夜十三四起所去多又風不差脚更腫轉欲書疏自
不可已唯絕歎於人理耳二妹復平々昨來山下差
靜政當還委曲前書具想勝常也諸人悉何如承冠
軍定入計今向達都汝奉見欣慶但恐停日不多耳
慶等已至也鶩差不甚懸心宜道尋去奴定西諸分

張少言

新婦服地黃湯來似減眠食尚未佳憂懸不去心君
等前所論事想必及謝生未還何尔進退不可解吾
當書問也

鴨頭丸故不佳明當必集當與君相見

法州卷之十一
二
不審阿姨所患得差否極令懸惻想東陽諸妹當復
平安不審頃者情事漸差耶彼郡今載甚不能佳不
知早晚至當遂至郡深想望

戮奴此月唯省一書亦不足慰懷深悉足下情素耳
七月二日獻之白孫權據有江東以歷三世國險而
民附賢能爲用斯可與爲援而不可圖也益州天府
之地高祖因之以成帝業荊州北據漢河利盡南海
西連巴蜀東通吳會此用 之國而其不能治天所
以資將軍將軍既是帝室之胄信義著於四海來之
大國誠難至也

鄱陽書傳諸舍便有月未具散騎書知情至草未
發遣奉去月問承婦等復不能差深憂慮耳

獻之白不審疾得損未極憂及更能出入未前書云
至於散情嫂疾苦療得所深喜慰想必為問敬和晚
際似差耶諸舍也能向諸弟各也

獻之白極熱敬惟府君此月內得書來時幾得問希
此消息極悶軍中復如何患膿不能潰意甚無賴
君有好藥必時復與府中多少極濟事耶

承冠軍故尔不覺轉勝灸無所覺憂馳深汝焦悚可
言

服油得力更能噉數麪只五六日停也不至絕艱辛
也足下明當必果想即日如何深想憶

近奉阿姑告知平安極慰人意獻之遂不堪暑氣力
恒懼恐是惡風大都將息近似小却

白承舍內分違近豫遂就難以喻痛濟理獻之白
復面悲積蕃首以不佳耿々僕近動散委頓雖轉折
猶惛然發止尚以未定日冀以言首力還不復耳
還此今有書何以至不知諸舍故多患念勞以今差
也得領軍書故在風丹楊書常疾動耿耿亦足得鄙
陽近書為慰丹楊疾者不果來甚悵恨

得西問不寢復云何令人邑々具示

東家尚未欲下李參軍無政日有此議能自來此方
寸無使聞上極不妙之事獻之頓首

八月十九日具疏操之獻之再拜昨日諸願悉達奉
奉告慰馳心極冷不審尊體復何如操之創故不差
常惡亦故爾憤々獻之昨來復下如欲作瘖殊乏極

服石的丸冀得力謹謹不具操之等再拜

獻之白不審尊體復何如昨夜眠多少願盡寬喻理
憂馳可復言若得消息者獻之嫂等承更惡不審頃
痊復不必須散時終得力耶此藥甚佳想姪舉體不
能行履服遂差安西且無恙府君屬有和稀久滯行
路同人絕得此心故當攜其長幼詣汝上下知彼駱
驛有書示不足以慰吾意耶冬間必欲至足下所居
承使君明練不謂漸有勝也君散集驟然其大都可
耳吾止於月半間耶

鄱陽歸鄉承脩東轉有理吾賢畢欲事必俟勝歡慰
于懷耶吾終權宜至承今年饑饉仰唯年支都乏絕
不謂乖又至於此耶吾脚尚未差極憂也

獻之等再拜不審海監諸舍上下動靜比復常憂之
姊告無他事崇虛劉道士鷲羣並復歸也獻之等當
須向彼謝之獻之等再拜

敬祖日夕還山陰與嚴使知聞頗多歲月今屬天寒
擬適遠爲當柰何柰何尔豈不令念姊遠路不能追
求耳

太宗皇帝嘗遣使購募古先帝王名臣墨帖
集爲十卷淳化三年冬

詔刊之後大臣登二府皆以賜焉歐陽脩云
往時禁中火災焚其板或云尚在但不賜元
祐四年臣得本於前金部員外郎臣呂和卿
命工模刻之後二年復取帖中草書世所病

讀者爲釋文十卷並行於時所以上廣

太宗皇帝垂意訓示天下後世之學者耳元
祐七年五月十有九日前承議郎臣劉次莊
謹題

太宗皇帝深於草書嘗論之智永帖中矣

真宗皇帝亦善草聖

仁宗皇帝喜飛白飛白蓋王羲之以爲難而
不敢自以爲善者

仁宗皇帝乃獨善之

英宗皇帝最善書儒臣王廣淵以書得侍從
神宗皇帝喜徐浩書熙寧元豐間天下化之
臣爲宗正時聞

先帝大喜鍾王書天下復將化之而
先帝駕龍上天入太清矣七月八日臣次莊書





師曠禽經

不鳥

晉太傅張

華

註



子野曰鳥之屬三百六十鳳為之長故始於此

鳳者羽族之長

鳳雄凰雌

凰鴻前麟後蛇首魚尾龍文龜身鸞領雞喙駢
翼首載德頂揭義背負仁心抱忠翼挾信足履
正小音鍾大音鼓不喙生草五采備舉飛則羣
鳥從出則王政平國有道

亦曰瑞鷗

景純注爾雅云瑞應鳥也雞頭蛇頸鸞頤龜背
魚尾五彩色高六尺許出為王者之嘉瑞孝經

援神契曰王者德及鳥獸則鳳鳥翔

亦曰鸞鷟

鳳之小者曰鸞鷟五彩之文三歲始備也

羽族之君長也鸞瑞鳥

鸞者鳳鳥之亞始生類鳳久則五彩變易故字從變省禮斗儀曰天下太平安寧則見其音如鈴變變然也周之文物大備法車之上綴以大鈴如鸞之聲也後改爲鸞

一曰雞趣

顧野王符瑞圖曰雞趣王者有德則見

首翼赤曰丹鳳青曰羽翔白曰化翼玄曰陰翥黃曰

土符

別五采而為名也

鳳者鸞舉百羽從之

鸞鳳翔止百鳥皆從也以類化

鳳靡鸞叱百鳥瘞之

鳳死曰靡鸞死曰叱禽鳥啄土以瘞藏之

慈鳥反哺

慈鳥曰孝鳥長則反哺其母大觜鳥否

白脰鳥不祥

鳥之白脰者西南人謂之鬼雀鳴則凶咎

巨喙鳥善警

鳥之巨觜者善避矰弋彈射曰善警

哀鳥吟夜

鳥之失雄雌則夜啼

鷩鳥之善搏者曰鷩

鷩大人見而悚愕也

竊玄曰鷩

色淺黑而大者其羽蟲鳥毛也

鷩曰鷩

鷹色蒼黃謂之鷩廣雅曰鷩鷹二歲色也鷹生

二歲如繫也

骨曰鷩瞭曰鷩

能遠視也瞭目明白音了

鷩曰鷩

晨風也向風搖翅其回迅疾狀類雞色青搏鷩

雀食之左傳云若鷹鷂之逐鳥雀

奪曰雞

如鷗而小者其脰上下亦取鳥雀如攘奪也

王鷗鷗鳩魚鷹也

毛詩曰王雎摯而有別多子江表人呼以為魚鷹雌雄相愛不同居處詩之國風始關雎也

亦曰白鷗

鷗之色白者

亦曰白鷗

狀如鷹尾上白也

雉介鳥也

善搏鬪也

亦曰鳩

爾雅曰雉絕有力奮

五采備曰翬

爾雅曰伊洛而南素質五采皆備成章曰翬江
淮而南青質五采皆備成章曰鷩言其毛色光
輝也周禮后六服一曰翬衣取其雉性介而守
以比后德也

亦曰夏翟

書曰羽畎夏翟雉尾至夏則光鮮也

亦曰鷩雉

青質五采解見上注

朱黃曰鷩雉

背毛黃腹毛赤頸毛綠而鮮明周禮鷩冕取以

曰曰韃雉

江南呼曰白雉

玄曰海雉

羽色純黑亦善鬪生海中山島上

首有彩毛曰山雞

山雉長尾尤珍護之林木之森鬱者不入恐觸其尾也雨則避於巖石之下恐濡濕也久雨亦不出而求食死者甚衆

頸有彩囊曰避株

雉屬出華嶽及盛山中晴暘則頸出彩色作囊遇樹木則避之故曰避株任昉曰亦名吐綬鳥

背有采羽曰翡翠

狀如鷓鴣而色正碧鮮縹可愛飲啄於澄澗洄淵之側尤惜其羽日濯於水中今王公之家以爲婦人首飾其羽直千金

腹有采文曰錦雞

狀如鳩鵲膺前五色如孔雀羽出南詔越山中歲採捕之爲王者冠服之飾

鳴鳩戴勝布穀也

揚雄曰鳴鳩戴勝生樹穴中不巢生爾雅曰鷦鷯戴鴛鴦即首上勝也頭上尾起故曰戴勝而農事方起此鳥飛鳴於桑間云五穀可布種也故曰布穀月令曰戴勝降于桑一名桑鳩仲春

鷹所化也

亦曰鵠鵠

鳴自呼

亦曰穫穀

江東呼為穫穀見揚雄方言

春耕候也

云此鳥鳴時耕事方作農人以爲候

倉鷓鴣黃黃鳥也

今謂之黃鷓鴣是也野民曰黃粟留語聲轉耳其色鷓黑而黃故名鷓黃詩云黃鳥以色呼

也

亦曰楚雀

北人呼為楚雀

亦曰商庚夏蠶候也

云此鳥鳴時蠶事方興蠶婦以為候對上文也

雞鷩惡鳥路反其類

雞與山鵲惡其類相值則相搏鷩狀類鵲長尾

丹嘴

鴛鴦玄鳥愛其類

鴛鴦匹鳥也玄鳥鷩也二鳥朝奇而暮偶愛其類也

鴝以水言自北而南

鴝音鴈隨陽鳥也冬適南方集于江干之上故字從干

鵠以山言自南而北

鴈亦音雁中春寒盡鴈始北嚮燕代尚寒猶集于山陸岸谷之間故字從斤

鶴以聲交而孕

雄鳴上風雌承下風則孕

鵲以音感而孕

鵲乾鵲也上下飛鳴則孕

白鷁相眡而孕

雄雌相視而孕

鷓鴣睛交而孕

狀類鳧而足高相視而睛不眩轉孕而生鷓

鷓鴣周子規也啼必北嚮

爾雅曰雋周甌越間曰怨鳥夜啼達旦血清草
木凡鳴皆北嚮也

江介曰子規

啼苦則倒懸於樹自呼曰謝豹

蜀右曰杜宇

望帝杜宇者蓋天精也李膺蜀志曰望帝稱王
於蜀時荊州有一人化從井中出名曰鼈靈於
楚身死屍反沂流上至汶山之陽忽復生乃見
望帝立以爲相其後巫山龍鬪壅江不流蜀民
墊溺鼈靈乃鑿巫山開三峽降丘宅土民得陸
居蜀人住江南羗住城北始立木柵周三十里
令鼈靈爲刺史號曰西州後數歲望帝以其功

高禪位於鼈靈號曰開明氏望帝修道處西山而隱化爲杜鵑鳥或云化爲杜宇鳥亦曰子規鳥至春則啼聞者悽惻

隨楊越雉鷓鴣也飛必南翥

廣志云鷓鴣似雌雉飛但徂南不北也

晉安曰懷南

異物記云鷓鴣白黑成文其鳴自呼象小雉其志懷南不北徂也

江左曰逐隱

古今注曰南方有鳥名鷓鴣向南飛畏霜露早與暮出稀有時夜棲則以樹葉覆其背燕人亦不知有此鳥也

鷓毅鳥也毅不知死

狀類雞首有冠性敢于鬪死猶不置是不知死也左傳鷓冠武士戴之象其勇也

鷓信鳥也信不知用

鷓水鳥如鷓鷃而小隨潮而翔迎浪蔽日曰信鷓鷃之別類群鳴喙喙優優隨大小潮來也食小魚鰕螯之屬雖潮至則翔水嚮以為信反為鷓鳥所擊是知信而不知所以自害也

鷓有文而貪

鷓狀類鷓紺色錯出有文色水際伺蚌出啄啄食之反為蚌所持死水中不知所食以為害左傳曰聚鷓為冠是也

鳶不擊有貪

鳶鷂也不善搏擊貪於攫肉也詩曰鳶飛戾天
鮑昭曰寒鷂嚇鷂

鷓志在水

鷓鷯水鳥也似鷓而大喙長尺餘頷下有胡如
大囊受數外湖中取水以聚群魚候其竭涸奄
取食之一名淘河詩曰維鷓在梁志在水也

鷓志在木

爾雅曰鷓斲木鳥巢木中背如雞長數寸常斲
樹食蠹虫啄振木虫皆動也

鳩拙而安

鳩鳴鳩也方言云蜀謂之拙鳥不善營巢取鳥

巢居之雖拙而安處也雄呼晴雌鳴陰

鷦巧而危

鷦鷯桃雀也狀類黃雀而小燕人謂之巧婦亦謂之女鷗關東人呼曰巧雀亦謂之巧女喙尖取茅秀為巢刺以縑麻若紡績為巢或一房或二房懸於蒲葦之上枝折巢敗巧而不知所託

鳧鷖之雜

鳧鷖鴨屬色不純正故曰雜矣

鷓鴣之絜

鷓鴣白鷓似山雞而色白行止閑暇

題鳩鳴而草衰

爾雅謂之鷓鴣伯勞也狀類鷓鴣而大左傳謂

之伯趙方言曰孤雞鳴則草衰

澤雉啼而麥齊

澤雉如商庚春季之月始鳴麥平隴也

風翔則風

風禽爲類越人謂之風伯飛翔則天大風

雨舞則雨

一足鳥一名商羊字統曰商羊一名雨天將雨則飛鳴孔子辯之於齊庭也

霜蜚則霜

鷗鷖鳥名其羽可爲裘以辟寒鷗鷖飛則墮霜

露者羽則露

露禽鶴也古今注鶴千載變蒼又千載變黑所

謂玄鶴也子野鼓琴玄鶴來舞露下則鶴鳴也
鶴之馴養於家庭者飲露則飛去

林鳥朝朝

林鳥朝之將翔也聚而嘒啁

水鳥夜啜山鳥巖棲

山巖之鳥多不巢

原鳥地處

鳴鷗鳥之屬是

靈鵲兆喜

鵲噪則喜生

恠鵬塞耳

一名休鷗廣雅曰江東呼為恠鳥聞之多禍人

惡之掩塞耳矣

鴛鴦野則義豢則搏

月令曰田鼠化為鴛鴦關東謂之鴛蜀隴謂之循
在田得食鳴相呼夜則群飛晝則草伏馴養之
久見食相搏鬪也

水鷺澤則群擾則逐

鷺野鴨也飛止大澤之中群處既豢擾之惡其
族類而相逼逐也

鸚鵡摩背而瘖

鸚鵡出隴西能言鳥也人以手撫拭其背則瘖
瘖矣

鳩鵲別舌而語

山海經謂之鵠今人育其鵠以竹刀剔舌本
教之言語謝尚能作鵠舞之

扶老強力

古今注云扶老禿鷲也狀如鶴大者高七八尺
善與人鬪好啗蛇脯蓋一作灸食之益人氣力走
及奔馬也

鵠鷲友悌

雀屬也爾雅曰鵠鷲渠毛詩曰水鳥也大雀
高尺尖尾長喙頸黑青灰色腹下正白飛則鳴
行則搖又曰鵠鷲在原兄弟急難鵠鷲共母者
飛鳴不相離詩人取以喻兄弟相友之道也

案察雖雖鴻儀鷲序

鴻鴈屬大曰鴻小曰鴈飛有行列也鷺白鷺也
小不踰大飛有次序百官縉紳之象詩以振鷺
比百寮雍容喻朝美易曰鴻漸于干干盤聖人
皆以鴻鷺之群擬官師也

鷓鴣喟喟下齊衆庶

鷓鴣籬鷓也雀屬衆人之象言多也

鷓鴣雄鵲牝庫

鷓鴣雀也鷓也二鳥皆雄者足高雌者足短

鳩鷓雌前雄後

鳩鳩鳩也鷓大如鳩生關西為鳥憨急二鳥雌
飛則隨雌止則止雌常在前也

鷓將生子呼母應

鳥伏卵將成子鳴于殼母應之

鷄既生母呼子應

鳥既鷄母呼則子應之

班鳩辨鷓

班次序也凡哺子朝從上下暮從下上他鳥皆

否

梟鷂害母

梟在巢母哺之羽翼成啄母目翔去也

舒鴈鳴前後和

舒鴈飛成行也雌前呼雄後應也

群棲獨警

夜棲川澤中千百為群有一鴈不瞑以警眾也

覆卵則鸛入水

鸛水鳥也伏卵時數入水冷則不暇取礮石周
卵以助暖氣故方術家以鸛巢中礮石為真物
也

鷺臆月

伏月卵則向月取其氣助卵也

霄鷺司夜行鷺主晝雄翼掩左雌羽掩右

爾雅曰鳥雌雄不可別者以翼右掩左雄左掩
右雌

物食長喙

食物之生者皆長喙水鳥之屬也

穀食短喙

鳥食五穀者喙皆短

搏則利嘴

鳥善搏鬪者利嘴

鳴則引吭

善啼鳴頸長也

毛協四時

春則毛弱夏則稀少而改易秋則刷理冬則更

生細毛自温

色合五方


倉鷹之屬以象東方木行朱鳥之屬以象南方
火行黃鳥之屬應土行以象季夏白鷺之屬以
象西方金行玄鳥以象北方水行

羽物變化轉於時令

仲春之節鷹化為鳩季春之節田鼠化為鴽仲
秋之節鳩復化為鷹季秋之節雀入大水化為
蛤孟冬之節雉入水化為蜃淮南子曰鼈化為
鶉鶉化為鸕鶿化為布穀布穀復為鶉順節令
以變形也

乾道始終以成物性

生物者乾之始成物者乾之終隨時變化成就
萬物之性也





橘錄序




橘出温郡最多種柑乃其別種柑自別為八種橘又
 自別為十四種棖子之屬類橘者又自別為五種合
 二十有七種而乳柑推第一故温人謂乳柑為真柑
 意謂他種皆若假設者而獨真柑為柑耳然橘亦出
 蘇州台州西出荊州而南出閩廣數十州皆木橘耳
 已不敢與温橘齒矧敢與真柑爭高下耶且温四邑
 俱種柑而出泥山者又傑然推第一泥山蓋平陽一
 孤嶼大都塊土不過覆釜其旁地廣袤只三二里許
 無連崗陰壑非有佳風氣之所淫漬鬱蒸出三二里
 外其香味輒益遠益不逮夫物理何可攷耶或曰温
 並海地斤鹵宜橘與柑而泥山特斤鹵佳處物生其

中故獨與他異予頗不然其說夫姑蘇丹丘與七閩
兩廣之地往往多並海斥鹵何獨溫而又豈無三二
里得斥鹵佳處如泥山者自屈原司馬遷李衡潘岳
王羲之謝惠連韋應物輩皆嘗言吳楚間出者而未
嘗及溫溫最晚出晚出而群橘盡廢物之變化出沒
其浩不可攷如此以予意之溫之學者繇晉唐間未
聞有傑然出而與天下敵者至 國朝始盛至於今
日尤號為文物極盛處豈亦天地光華秀傑不沒之
氣來鍾此土其餘英遺液猶被草木而泥山偶獨得
其至美者耶予北人平生恨不得見橘著花然嘗從
橘舟市橘亦未見佳者又安得所謂泥山者啗之去
年秋把麾此來得一親見花而再食其實以為幸獨

故事太守不得出城從遠遊無因領客入泥山香林中泛酒其下而客乃有遺予泥山者且曰橘之美當不減荔子荔子今有譜得與牡丹芍藥花譜並行而獨未有譜橘者予愛橘甚橘若有待於予不可以辭予因爲之譜且妄欲自附於歐陽公蔡公之後亦用以表見溫之學者足以夸天下而不獨在夫橘爾淳熙五年十月延安韓彥直序







橘錄卷上



按開寶中陳藏器補神農本草書柑類則有朱柑乳
 柑黃柑石柑沙柑今永嘉所產實具數品且增多其
 目但名少異耳九圃之所植柑比之橘纔十之一二
 大抵柑之植立甚難灌溉耒治少失時或歲寒霜雪
 頻作柑之枝頭殆無生意橘則猶故也得非瓊盃玉
 笋自昔易闕邪永嘉宰勾君燾有詩聲其詩曰只須
 霜一顆壓盡橘千奴則黃甘位在陸吉上不待辨而
 知

真柑

真柑在品類中最貴可珍其柯木與花實皆異凡木
 本多婆娑葉則纖長茂密濃陰滿地花時韻特清遠

速結實顆皆圓正膚理如澤蠟始霜之日園丁採以
獻風味照座擘之則香霧噴人北人未之識者一見
而知其爲真柑矣一名乳柑謂其味之似乳酪温四
邑之柑推泥山爲最泥山地不彌一里所產柑其大
不七寸圍皮薄而味珍脉不黏瓣食不留滓一顆之
核纔一二間有全無者南塘之柑比年尤盛太守燕
賞爲秋日盛事前太守參政李公賞柑之詩曰忘機
白鳥衝船過堆案黃柑喫手香侍郎曾公之詞曰滿
樹葉繁枝重綴青黃千百皆佳句也

生枝柑

生枝柑似真柑色青而膚麓形不圓味似石榴微酸
崔豹古今注曰甘實形如石榴者爲壺柑疑此類是

鄉人以其耐久留之枝間俟其味變甘帶葉而折堆之盤俎新美可愛故命名生枝

海紅柑

海紅柑顆極大有及尺以上圍者皮厚而色紅藏之久而味愈甘木高二三尺有生數十顆者枝重委地亦可愛是柑可以致遠今都下堆積道旁者多此種初因近海故以海紅得名

洞庭柑

洞庭柑皮細而味美比之他柑韻稍不及熟最早藏之至來歲之春其色如丹鄉人謂其種自洞庭山來故以得名東坡洞庭春色賦有曰命黃頭之千奴卷震澤而與還翠勺銀鬕紫絡青綸物固唯所用醞釀

得宜真足以佐騷人之清興耳

朱柑

朱柑類洞庭而大過之色絕嫣紅味多酸以刀破之
漬以鹽始可食園丁云他柑必接唯朱柑不用接而
成然鄉人不甚珍寵之賓祭斥不用

金柑

金柑在他柑特小其大者如錢小者如龍目色似金
肌理細瑩圓丹可翫噉者不削去金衣若用以漬蜜
尤佳歐陽文忠公歸田錄載其香清味美置之樽俎
間光彩灼爍如金彈丸誠珍果也都人初不甚貴其
後因温成皇后好食之由是價重京師

木柑

木柑類洞庭少不慧耳膚理堅頑瓣大而乏膏液外
疆中乾故得名以木

甜柑

甜柑類洞庭高大過之每顆必八瓣不待霜而黃比
之他柑加甜柑林未熟之日是柑最先摘置之席間
青黃照人長者先嘗之子弟懷以歸為親庭壽焉然
是種不多見治圃者植一株二株焉故以少為貴

枳子

枳子木有刺似朱欒而小永嘉植之不若古栝之盛
比年始競有之經霜早黃膚澤可愛狀微有似真柑
但圓正細實非真柑北人喜把翫之香氣馥馥可以
熏袖可以茗鮮可以漬蜜真嘉實也若真柑則無是

二三者人自珍之得非瞭然在人耳目者蓋真柑之
細邪

橘錄卷上

橘錄卷中

牛僧孺幽恠錄有生於橘者摘剖之有四老人焉其一曰橘中之樂不減商山恨不能深根固蒂耳由是有橘隱名楚屈原作離騷其橘頌一章有曰后皇嘉樹橘采服受命不遷生南國宋謝惠連橘賦亦曰園有嘉樹橘柚煌煌以是知橘實佳物昔人所愛慕若此孔安國曰小曰橘大曰柚郭璞亦云柚以橙而大於橘溫無柚而種橙者少非土所宜也本草載橘柚味辛溫無毒主去胃中痰熱利水穀止嘔欬久服通神輕身長年陶隱居云此言橘皮之功效若此其實之味甘酸食之多痰無益其說爲是隱居不敢輕注本草蓋此類也陳藏器補本草謂橘之類有朱橘乳

橘塌橘山橘黃淡子今類見之

黃橘

黃橘狀比之柑差褊小而香霧多於柑歲雨暘以時則肌充而味甘其圍四寸色方青黃時風味尤勝過是則香氣少減惟遇黃柑則避舍置之海紅生枝柑間未知其孰後先名之曰千奴真屈稱也

塌橘

塌橘狀大而褊其南枝之向陽者外綠而心甚紅經春味極甘美瓣大而多液其種不常有特橘之次也

包橘

包橘取其累累然若包聚之義是橘外薄內盈隔皮脉瓣可數有一枝而生五六顆者懸之極可愛然土

膏而樹壯者多有之不稱也

綿橘

綿橘微小極軟美可愛故以名圃中間見一二樹結子復稀物以罕見為奇此橘是也

沙橘

沙橘取細而甘美之稱或曰種之沙洲之上地虛而宜於橘故其味特珍然邦人稱物之小而甘美者必曰沙如沙瓜沙蜜沙糖之類特方言耳

荔枝橘

荔枝橘多出於橫陽膚理皺密類荔子故以取名橫陽與閩接軫荔子稱奇于閩黃橘擅美于溫故慕而名之有言橘踰淮為枳植物豈能變哉疑似之亂名

多此類

軟條穿橘

軟條穿橘其榦弱而條遠結實頗大皮色光澤滋味有餘其心虛有瓣如蓮子穿其中蓋接橘之始以枝之杪者爲之其體性終弱不可以犯霜不可以耐久又名爲女兒橘

油橘

油橘皮似以油飾之中堅而外黑蓋橘之若粗若柚者擘之而不聞其香食之而不可於口是又橘之僕奴也

綠橘

綠橘比他柑微小色紺碧可愛不待霜食之味已珍

留之枝間色不盡變隆冬採之生意如新橫陽人家時有之不常見也

乳橘

乳橘狀似乳柑且極甘芳得名又名漳橘其種自漳浦來皮堅穰多味絕酸不與常橘齒鄉人以其頗魁梧時置之客間堪與釘座梨相值耳他日有以乳橘爲真柑者特砒砒之似玉也

金橘

金橘生山逕間比金柑更小形色頗類木高不及尺許結實繁多取者多至數升肉瓣不可分止一核味不可食惟宜植之欄檻中園丁種之以鬻於市亦名山金柑周美成詞有露葉烟梢寒色重攢星低映小

珠簾為是橘作

自然橘

自然橘謂以橘子下種待其長歷十年始作花結實味甚美由其本性自然不雜之人為故其味全蓋他柑與橘必以柑淡子著土俟其婆娑作樹以枝接之為柑為橘為多種俱非天也故是橘以自然名之然十年之計種之以木今之闢圃者多不年歲間肥其膚以驗其枯榮糞其本以計其久近誰能遲十年之久以收効耶是橘名之曰自然當矣接木之詳見於下篇

早黃橘

早黃橘著花結子比其類獨早秋始半其心已丹千

頭方酸而早黃橘之微甘已回齒頰矣王右軍帖有
曰奉橘三百枚霜未降未可多得豈是類邪

凍橘

凍橘其顛如常橘之半歲八月人目爲小春枝頭時
作細白花旣而橘已黃千林已盡乃始傲然冰雪中
著子甚繁春二三月始採之亦可愛前輩詩有曰梅
柳攬先桃李晚東風元是一般春此詩不獨詠桃李
物理皆然

朱欒

朱欒顛圓實皮麤瓣堅味酸惡不可食其大有至尺
三四寸圍者摘之置几案間久則其臭如蘭是品雖
不足珍然作花絕香鄉人拾其英烝香取其核爲種

折其皮入藥最有補於時其詳具見下篇

香藥

香藥大於朱藥形圓色紅芳馨可翫

香圓

香圓木似朱藥葉尖長枝間有刺植之近水乃生其長如瓜有及一尺四五寸者清香襲人橫陽多有之土人置之明窻淨几間頗可賞翫酒闌并刀破之蓋不減新橙也葉可以藥病

藥疑作療

枸橘

枸橘色青氣烈小者似枳實大者似枳殼能治逆氣心胃痺痛中風便血醫家多用之

橘錄卷中

橘錄卷下

種治

柑橘宜斥鹵之地四邑皆距江海不十里九圃之近塗泥者實大而繁味尤珍耐久不損名曰塗柑販而遠適者遇塗柑則爭售方種時高者畦壟溝以泔水每株相去七八尺歲四耨之薙盡草冬月以河泥壅其根夏時更漑以糞壤其葉沃而實繁者斯爲園丁之良

始栽

始取朱藥核洗淨下肥土中一年而長名曰柑淡其根芟蔟蔟然明年移而踈之又一年木大如小兒之拳遇春月乃接取諸柑之佳與橘之美者經年向陽

之枝以爲貼去地尺餘細鋸截之剔其皮兩枝對接
勿動搖其根撥掬土實其中以防水弱護其外麻束
之緩急高下俱得所以候地氣之應接樹之法載之
四時纂要中是蓋老圃者能之工之良者揮斤之間
氣質隨異無不活者過時而不接則花實復爲朱纒
人力之有參於造化每如此

培植

樹高及二三尺許翦其最下命根以瓦片抵之安於
上雜以肥泥實築之始發生命根不斷則根迸于上
中枝葉乃不茂盛

去病

木之病有二蘚與蠹是也樹稍久則枝幹之上苔蘚

生焉一不去則蔓衍日滋木之膏液蔭蔽而不及木
故枝幹老而枯善圃者用鐵器時刮去之刪其繁枝
之不能華實者以通風日以長新枝木間時有蛀屑
流出則有蟲蠹之相視其穴以物鈎索之則蟲無所
容仍以真杉木作釘窒其處不然則木心受病日以
枝葉自凋異時作實瓣間亦有虫食柑橘每先時而
黃者皆其受病於中治之以早乃可

澆灌

圃中貴雨暘以時旱則堅苦而不長雨則暴長而皮
多拆或瓣不實而味淡園丁溝以泄水俾無浸其根
方亢陽時抱甕以潤之糞壤以培之則無枯瘁之患

採摘

歲當重陽色未黃有採之者名曰摘青舟載之江浙間青柑固人所樂得然採之不待其熟巧於商者間或然爾及經霜之二三夕纔盡翦遇天氣晴霽數十輩爲群以小翦就枝間平蒂斷之輕置筐筥中護之必甚謹懼其香霧之裂則易壞霧之所漸者亦然尤不便酒香凡採者竟日不敢飲

收藏

採藏之日先淨埽一室密糊之勿使風入布稻藁其間堆柑橘於地上屏遠酒氣旬日一翻揀之遇微損謂之點柑即揀出否則侵損附近者屢汰去之存而待買者十之五六人有掘地作坎攀枝條之垂者覆之以土至明年盛夏時開取之色味猶新但傷動枝

苗次年不生耳

製治

朱藥作花比柑橘絕大而香就樹採之用箋香細作片以錫爲小甌每入花一重則實香一重使花多於香竅花甌之旁以溜汗液用器盛之炊畢徹甌去花以液浸香明日再蒸凡三換花始暴乾入甕器密盛之他時焚之如在柑林中柑橘并金柑皆可切瓣勿離之壓去核漬之以蜜金柑著蜜尤勝他品鄉人有用糖燉橘者謂之藥橘入筭之灰于鼎間色乃黑可以將遠又橘微損則去皮以肉瓣安竈間用火熏之曰熏柑置之糖蜜中味亦佳

入藥

橘皮最有益於藥去盡脉則爲橘紅青橘則爲青皮
皆藥之所須者大抵橘皮性溫平下氣止蘊熱攻痰
瘧服久輕身至橘子尤理腰膝近時難得枳實人多
植枸橘于籬落間收其實剖乾之以之和藥味與商
州之枳幾逼真矣枸橘又未易多得取朱藥之小者
半破之日暴以爲枳異方醫者不能辨用以治疾亦
愈藥貴於愈疾而已孰辨其爲真偽耶

橘錄卷下



端溪硯譜

不馬

端溪硯

謹按端州治高要縣自唐爲高要郡
皇朝政和初以

太上皇潛藩賜號肇慶府府東三十三里有山曰斧
柯在大江之南蓋靈羊峽之對山也斧柯山峻峙壁
立下際潮水自江之湄登山行三四里即爲硯嵒也
先至者曰下嵒下嵒之中有泉出焉雖大旱未嘗涸
下嵒之上曰中嵒中嵒之上曰上嵒自上嵒轉山之
背曰龍嵒龍嵒蓋唐取硯之所後下嵒得石勝龍嵒
龍嵒不復取自山之下分路稍東至半邊山諸嵒西
南泂溪而上曰蚌坑龍嵒斧柯山脚谷中石也大抵
石以下嵒爲上中嵒龍嵒半邊山諸嵒次之上嵒又

次之蚌坑最下此崑石之品也下崑石乾則灰蒼色
潤則青紫色崑有兩口其中則通爲一穴大者取研
所自入也小者泉水所自出也故號曰水口即陳公
密所開也崑之北壁石背爲泉水所浸瀾漫湧溢下
流爲溪崑之中歲久崩摧石屑翳塞積水屈曲淺深
人所莫測以是石工不復能採矣今世所有下崑硯
唐五季國初時物也今欲得下崑北壁石者往往於
泉水石屑中得之若南壁石尚或可採然自崇觀以
後亦罕得矣北壁石蓋泉生其中非石生泉中也則
潤可知矣崑之上雖秋冬乾旱亦未嘗涸有泉珠散
落如飛雨不絕北壁石眼正圓有青綠碧紫白黑暈
十數重中復有瞳子南壁石即泉水半浸者稍不及

北壁眼之暈色皆少淡下崑上崑皆有山半上崑之
穴陟而取石中崑之穴或陟或降下崑之穴降而取
石上崑有三穴上穴曰土地崑以土地祠居其上名
焉中崑曰梅樹崑下穴今石工以爲中崑者是也下
穴兩口其間通爲一穴皆中崑也土地崑亦有兩穴
其中亦相通土地崑石色帶黃赤眼亦如之梅樹崑
石微黃赤稍輕而帶灰蒼色眼黃綠中崑兩壁石與
梅樹崑同而少勝焉北壁石則與下崑南壁石相類
而少劣焉

大抵石性貴潤色貴青紫乾則灰蒼色潤則青紫色
眼貴翠綠圓正有瞳子

石有眼則易分品第

若性枯燥色黃褐

乾則灰蒼色潤則青紫色

眼赤黃皆下品也

眼赤黃輕青綠重即漸爲上品矣

龍崑石色深紫眼少

有即類中崑半邊山者

半邊山諸崑石色少灰青與下崑南壁石中崑北壁石相類但眼不若下崑則眼暈少爾中崑者層暈多青綠赤黃紫色皆淺淡不同

然半邊山崑極多眼

半邊山崑近南者眼大暈差少綠近北者眼少暈愈少所謂菜豆眼

蚌坑石性堅顏色深紫有眼即黃白微帶青者不正無瞳子雖潤亦不發墨

眼偏斜不正無暈道有翳

黃坑石即與上崑石相類新坑石與半邊山石之劣者相類但半段碎小耳

小湘峽在州之西四十里其石類崑石而性軟燥色深紫如蚌坑及後歷石眼亦類蚌坑石大抵潤及坑石而發墨勝之

後歷山在州北十里石性軟燥色深紫帶黃赤間亦有眼極類蚌坑堅潤不及發墨勝之

崑石取諸崑斧併力然後可得凡崑石皆有黃臙如玉之瓜萋也胞絡黃臙鑿去方見硯材世所謂子石

也子石崑中有底石皆頑石極潤不發墨又色汗雜不可硯端人謂之鴨屎石底石之上大率如石榴子又如磚坯自底至頂中作三疊下疊居底石之上最佳品也石必有眼端人謂之脚石中疊居下疊之上次石也眼或有或無端人謂之腰石上疊居中疊之上又次石也皆無眼端人謂之頂石頂石之上皆蓋石也亦頑麓而不堪用大抵三疊石皆有麓臙絡無非子石世人乃謂別一種子石非也蓋往往有崩落崑中泉水中者其形偶圓類卵人或中摸得之故妄有此說

蚌坑石取於山下澗谷中皆波濤所擊風日所曝雷雨所摧皆頑很不才之物也但人能到其處皆可拾

取端人謂之野石蓋遍地是也甚易得之而他處人不識往往反愛之正以大璞少瑕翳耳其小湘石後歷石皆掘地取崑石不假油蠟久則自光潤後歷非油蠟則不堪用歲次油臘敗則麓燥不堪用矣

蚌坑自鼎湖山諸谷水聚為大溪轉斧柯山下出大江中半邊山諸崑有大秋風小秋風獸頭獅子桃花河頭新坑黃坑等名皆在斧柯山下蓋山之麓也

凡有眼之石在本崑中尤縝密溫潤端人謂石嫩則眼多老則眼少嫩石細潤發墨所以重有眼也青脉者必有眼故腰石脚石多有青脉而頂石多瑩淨端人謂青脉為眼筋夫眼之別者曰鸚鵡曰鸚哥曰了

哥素也曰雀眼曰雞眼曰貓眼曰菜豆各以形似名之翠綠爲上

李賀有端州青花石硯歌蓋自唐以來便以青眼爲上黃赤爲下

硯之價下品水底脚石十倍於南壁石南壁石十倍於中品北壁石半邊山南諸品倍於中品南壁石半邊山北諸品及龍品中品南壁倍上品諸穴石上品諸穴倍小湘石小湘石倍後歷蚌坑石後歷之佳者亦與上品諸穴價等

硯之形製曰平底風字曰有脚風字曰垂裙風字曰古樣風字曰鳳池曰四直曰古樣四直曰雙錦四直曰合歡四直曰箕樣曰斧樣曰瓜樣曰郊樣曰壁樣

曰人面曰蓮曰荷葉曰仙桃曰瓢樣曰鼎樣曰玉臺

曰天研東坡嘗得石不加斧鑿以為研曰蟾樣曰龜

樣曰曲水曰鐘樣曰圭樣曰笏樣曰梭樣曰琴樣曰

鏃樣曰雙魚樣曰團樣曰八稜角柄秉硯曰八稜秉

硯曰竹節秉硯曰硯磚曰硯板曰房相樣曰琵琶樣

曰月樣曰腰鼓曰馬蹄曰月池曰阮樣曰歛樣曰呂

樣曰琴足風字曰蓬萊樣

宣和初御府降樣造形若風字如鳳池樣但平底耳

有四環刻海水魚龍三神山水池作崑崙狀左日右

月星斗羅列以供

太上皇書府之用

石之病者有曰鐵線

乃是臙皮隔處若於線上鑿之則應手而斷

曰瑕

白文

曰鑽

如蛀蟲眼

曰驚

斧鑿觸裂者

曰火黯

一名燬
火焦

惟晶石有之斜班處如火燒狀

曰黃龍

灰黃色如龍蛇橫斜布石上

唯火黯端人不以為病蓋晶石必有之他山石皆無

端溪硯譜

右縉雲葉樾交叔傳此譜稍異於衆人之
說不知何人所撰稱

徽祖為

太上皇必紹興初人云淳熙十年七月二
十四日東平榮芑書



牡丹榮辱志目錄



迂愚叟丘

璿

道源

姚黃為王

魏紅為妃

九嬪

世婦

御妻

花師傳

花彤史

花命婦

花篋倖

花近屬

花踈屬

花戚里

花外屏

花宮闈

花叢脞

花君子

花小人

花亭泰

花屯難

牡丹榮辱志目錄

卷一 牡丹之原

卷二 牡丹之種

卷三 牡丹之藝

卷四 牡丹之賞

卷五 牡丹之詩

卷六 牡丹之畫

卷七 牡丹之曲

卷八 牡丹之雜

卷九 牡丹之考

卷十 牡丹之論

卷十一 牡丹之記

卷十二 牡丹之傳

牡丹榮辱志

迂愚叟丘

璿

道源



花卉蕃膴於天地間莫踰牡丹其貌正心荏莖節帶
藥聳抑檢曠有剛克柔克能遠而視之疑美丈夫女
子儼衣冠當其前也苟非鍾純淑清粹氣何以傑全
德於三月內迂愚叟蹟造化意以榮辱志其事欲姚
之黃爲王魏之紅爲妃無所忝冒何哉位旣尊矣必
授之以九嬪九嬪佐矣必隸之以世婦世婦廣矣必
定之以保傅保傅任矣則彤管位矣則命婦立命婦
立則嬖倖愿嬖倖愿則近屬睦近屬睦則踈族親踈
族親則外屏嚴外屏嚴則宮闈壯宮闈壯則叢脞革
叢脞革則君子小人之分達君子小人之分達則亨

泰屯難之兆繼繼之者莫大乎善也成之者莫大乎性也稟乎中根本茂矣善歸己色香厚矣如是則施之以天道順之以地利節之以人欲其裁其接無竭無滅其生其成不縮不盈非獨爲洛陽一時歡賞之盛將以爲天下嗜好之勸也

姚黃爲王

名姚黃以其名者非可以中色斥萬乘之尊故以王以妃示上下等夷也

魏紅爲妃

天子立后以正內治故關雎爲風化之治妃嬪世婦所以輔佐淑德符家人之封焉然後鵲巢采蘋采芣列夫人職以助諸侯之政今

以魏花為妃配乎王爵視崇高富貴一之於
內外也

九嬪

牛黃

細葉壽安 九藥真珠

鶴翎紅

鞋紅 潜谿緋

朱砂紅

添色紅 蓮葉九藥

世婦

麤葉壽安 甘草黃 一捻紅

倒暈檀 丹州紅 一百五

鹿胎 鞍子紅 多葉紅

獻來紅

今得其十別求異種補之

御妻

玉版白

多葉紫

葉底紫

左紫

添色紫

紅蓮萼

延州紅

駱駝紅

紫蓮萼

蘇州花

常州花

潤州花

金陵花

錢塘花

越州花

青州花

密州花

和州花

自蘇臺會稽至歷陽郡好事者衆栽殖尤

夥八十一之數必可備矣

花師傅

蕙莢

指佞草

蒲蓮

燕胎芝

螢火芝

五色靈芝

九莖芝

碧蓮

瑤花

碧桃

花形史

同穎禾

兩歧麥

三脊茅

朝日蓮

連理木

簷蔔花

長樂花

花命婦

上品芍藥

黃樓子等

粉口

柳浦

茆山冠子

醉美人

紅纈子

白纈子

黃絲頭

紅絲頭

蟬花

重葉海棠出蜀

千葉瑞蓮

花嬖倖

中品芍藥 長命女花_中出蜀 素馨

茉莉 荳蔻 虞美人_中出蜀

丁香 含笑 男真

鴛鴦草_中出蜀 女真 七寶花

石蟬花_中出蜀 玉蟬花_中出蜀

花近屬

瓊花 紅蘭 桂花

娑羅花 棣棠 迎春

黃拒霜 黃雞冠 忘憂草

金鈴菊 酴醾 山茶

千葉石榴 玉蝴蝶 黃酴醾_中出蜀

玉屑

花踈屬

麗春

石巖

添色出蜀

金鳳

木蓮花

滴滴金

黃蜀葵

花戚里

旌節

瑞聖

七寶花出蜀

千葉菊

羞天花

山丹

石竹

紅雞冠

千葉郁李

石瓜花出蜀

紫菊

金錢

吉貝

單葉菊

矮雞冠

玉盤金盞

鵝毛玉鳳出蜀

瑞香

御米

都勝

玉簪

花外屏

金沙

紅薔薇

黃薔薇

玫瑰

密有

刺紅

紅薇

紫薇

朱槿

白槿

海木瓜

錦帶

杜鵑

梔子

紫荊

史君子

凌霄

木蘭

百合

花宮闈

諸類桃

諸類李

諸類梨

諸類杏

紅梅

早梅

櫻桃

山櫻

蒲桃

木瓜

桐花

栗花

棗花

木錦

紅蕉

花叢脞

紅蓼

牽牛

鼓子

芫花

蔓陀羅

金燈

射干

水葦

地錦

地釘

黃躑躅

野薔薇

薺菜花

夜合

蘆花

楊花

金雀兒

菜花

花君子

溫風

細風

清露

暖日

微雲

沃壤

永晝

油幕

朱門

甘泉

醇酒

珍饌

新樂

名倡

花小人

狂風

猛雨

赤日

苦寒

蜜蜂

蝴蝶

螻蟻

蚯蚓

白晝青蠅

黃昏蝙蝠

飛塵

妬芽

蠹

麝香

桑嫫蝻

花亭泰

閏三月

五風十雨

主人多喜事

婢能歌樂

妻孥不倦排當

僮僕勤幹

子弟韞籍

正開值生日

欲謝時待解醒

門僧解栽接

借園亭張筵

從貧處移入富家

花屯難

醜婦妬與憐

猥人愛與嫌

盛開值私忌

主人慳鄙

和園賈與屠沽

三月內霜雹

賞處看棊鬪茶

筵上持七八

盛開債主臨門

箔子遮圍

露頭跣足對酌

遭權勢人乞接頭

剪時和花眼

正歡賞酒

頭戴如廁

聽唱辭傳家宴

酥煎了下麥飯

凋落後茗帚掃

園吏澆濕糞

落村僧道士院觀裏

牡丹榮辱志終

